

179. CHRYSOPHYLLUM alterum foliis obtusis, fere congener priori.

Fructus globosus, acuminatus, Ribesiorum rubrorum magnitudine, ruber. *Semen* magnum, globosum, firmum; an ideo distincta Genera?

180. BOMBAX caule subspinoso, parum ventricoso truncato, nec alta arbor, h. t. privata foliis & flore, fructus vero habuit copiosos. *Capsula* oblonga, pentagona, turbinata, obtusa, quinquelocularis, quinquevalvis, ad angulos dehiscentis, dissepimentis ad Columnam coherentibus quinque. *Semina* plura, subrotunda, lana tenuissima sat copiosa, subsusca, pallida. *Valvulae* apertæ, patentissimæ, stelliformes & planæ. *Calyx* in fructum basi excipit capsulam integerrimam, lineæ longitudine.

XX. 181. EPIDENDRUM acaule, radice bulbose ova-
ta; floribus cinereo fuscis &c.

Radix subbulbosa vel *caulis* ovatus, leviter rugosus, emit-
tens radiculas repentes super ramos, more congenerum.

Caulis brevis vel fere nullus, basi ovatus,

Folia duo, oblonga, dorso carinata.

Scapus erectus, dodrantalis, pedalis, teres.

Flores 3-4 terminales, alterni.

XXVI. 182. HERMÉSIAS a me dictum, vulgo ROSA de
monte.

Flores sessiles, capitati: capitula ante explicationem ob bracteas conum pini sed mollem referunt, juxta basin ipsius folii adnata, subrotunda, post explicationem fasciculata, alterna, sessilia. *Bracteæ* alternæ, coloratæ, convexæ, oblongæ, exteriore inferius subrotundæ, concavæ, membranaceæ, obtusæ, laxiusculæ, singulæ includunt singulos flores, ultimis exceptis subrotundis, quæ includunt reliquias bracteas interiores, angustas, lineares. Omnes caducæ sunt.

CAL. *Perianthium* duplex. *Inferius* monophyllum, tubulato-turbinatum, superne latius, laxum, ad $\frac{1}{4}$ part. bifidum: laciniis ovatis, erectis, concavis. *Superius* interiusque tubo, spatio $\frac{1}{2}$ calycis exterioris, sursum latiore, paulo compresso, postea 5-phyllo: folioljs oblongis, tertiam partem Calycis exterioris longitudine excedentibus,